



USAID
FROM THE AMERICAN PEOPLE

EDC

Education
Development
Center

USAID Huguka Dukore Akazi Kanoze

IRUSHANWA RYO GUFATA AMAFOTO

**Ku Rubyiruko Rwakurikiye Amahugurwa
Y'akazi Kanoze Binyuze Muri Porogaramu
Y'amajwi (WRN Audio Program)**



**Ohereza amafoto meza yerekeranye na porogaramu y'amahugurwa
y'Akazi Kanoze yifashisha Amajwi, ubone amahirwe yo gutsindira
TELEPHONE nziza ijyendanwa ya Smartphone!**

Kubera icyorezo cya Koronavirusi, kuva mu mezi 10 ashize, Umushinga USAID Huguka Dukore Akazi Kanoze wagiye utanga amahugurwa y'Akazi Kanoze ku rubyiruko hifashishijwe uburyo bwo kohereza ubutumwa bw'amajwi kuri telephone, hanyuma ubwo butumwa bushyirwa kuri radio ku bufatanye n'ikigo cy'igihugu cy'itangazamakuru RBA. Iyi porogaramu yari igizwe n'ibubutumwa bukubiye mu bice 42 bugaruka ku mahugurwa y'Akazi Kanoze ubusanzwe yatangwaga n'umushinga USAID Huguka Dukore Akazi kanoze mu buryo bw'imbona-nkubone. Bitewe n'ibihe turimo bya Guma Mu Rugo, urubyiruko rwakurikiranaga iyi gahunda y'ubutumwa bunyuzwa mu majwi rwungutse byinshi ariko ntirwashobora kubisangiza bagenzi babo nk'uko bisanzwe bikorwa mu nkuru nto zigaragaza ibyo rwishimira rumaze kugeraho ndetse n'ubundi buryo bwifashishwa n'umushinga mu gukusanya amakuru.

Ni muri urwo rwego Umushinga USAID HDAK yabashyiriyeho irushanwa ryo Guhatana mu kugaragaza amafoto meza yerekeranye n'iyi programu y'amahugurwa y'Akazi Kanoze hifashishijwe ubutumwa bw'amajwi. Iri rushanwa kandi rigamije gukusanya amakuru ku rubyiruko rwakurikiye iyi programu mu gihe cy'amezi 10 hatambutswa ubwo butumwa. Urubyiruko rwose rwa HDAK rwibumbiye mu matsinda rurashishikarizwa gutangaza inkuru zabo zerekeranye n'iyi programu binyuze mu mafoto y'aho batuye/ bakorera kandi akazafatwa hifashishijwe telephone zabo bwite!



Igihembo ni ikihe?

Amatsinda y'indashyikirwa azaba yashoboye kwerekana amafoto meza adasanzwe aza-hembwa telefoni ya Smartphone nshya iri ku rwego rushimishije izafasha itsinda kugera ku ntego zaryo.




Ni nde wemerewe kwitabira irushanwa?

Urubyiruko rwose rw'abagenerwabikorwa ba HDAK babarizwa mu matsinda y'urubyiruko (YLA groups) n'Amatsinda yo kubitsa no kugurizanya (SILC groups)



Amafoto azafatwa gute?

Abitabiriye irushanwa barasabwa gutegurirahamwe amafoto yabo nk'itsinda bifashishije telephone zabo cyangwa Camera ku bazifite. (Telephone cg Camera ishobora kuba ari iy'umwe mu bagize itsinda. Mu gihe nta telephone ifata amafoto iri mu itsinda, biremewe gutira mu baturanyi).



Ni iki nakwitaho igihe mfata amafoto nkoresheje telephone yanjye?

Amafoto yose agomba kuba agaragaza uburyo ki urubyiruko rwagiye rukurikira ibiganiro by'amahugurwa y'Akazi Kanoze mu mezi 10 ashize. Amafoto agomba kugaragaza ahantu, niba umujene yarakurikiranaga ikiganiro ari wenyine cg ari kumwe n'abandi, ubwoko bw'inyakiramajwi bwifashishwaga? (telephone, radio, ikindi?)

- Amafoto agomba gufatirwa ahantu hafite urumuri ruhagije ku buryo ibikubiye mu mafoto bigaragara byose kandi neza.
- Amafoto agomba gufatirwa hanze cg mu nzu (mu gihe habona). Nibura kimwe cya kabiri cy'amafoto y'itsinda agomba kuzaba yafatiwe hanze ahari urumuri-karemano.
- Irinde gukoresha Zumu ya telephone yawe. Aho gukurura cg kwigiza inyuma ibyo wifuza gufotora, wabyegera kugirango ifoto yawe idatakaza umwimerere.
- Ifoto zishobora kuba zihagaze cyangwa zitambitse. Mu gihe ufotora abantu barenze 1, fata amafoto mu buryo butambitse.
- Ibande ku kugaragaza umuntu inkuru yawe ishingiyeho ku buryo ariwe ugaragara cyane mu ifoto.



Ni ubuhe bwoko bw'amafoto yemewe mu irushanwa?

Amatsinda y'urubyiruko arashishikarizwa gufata amafoto agaragaza uburyo bagiyeye bakurikira ibiganiro by'amajwi y'amahugurwa y'Akazi Kanoze. Dore zimwe mu ngero:

- Umwe mu rubyiruko/ Umujene yicaye mu itsinda arimo kumva inyakiramajwi/ radio ye
- Ifoto y'itsinda ririmo kumvira ibiganiro kuri radio/ telephone (Urugero: Nk'umwe muri bo afite ikayi n'amakaramu ameze nk'urimo kwandika ibyo yumva mu kiganiro)
- Umwe mu rubyiruko atemberana radio/ telephone mu ntoki cyangwa se ayitwaye ku rutugu agenda ayumva.
- Urubyiruko ruri mu buzima busanzwe (yumva inyakiramajwi munsu y'igiti, aragiye, atetse ari aho akorera, mu murima cg aho acururiza n'ahandi....)
- Indi foto iyo ariyo yose ijyanye n'amahugurwa y'Akazi Kanoze.



Ibisabwa ku matsinda azitabira iri rushanwa:

Buri tsinda rigomba gusubiza ikibazo gikurikira, kugira ngo ryanjire muri iri rushanwa:

- Ni iki wowe ubwawe cy'itsinda ryawe ryungukiye mu biganirwa by'amahugurwa y'Akazi Kanoze? (Sobanura utarengeje amagambo 70).

Tanga ibi bikurikira kuri buri photo:

- Ubusobanuro bw'ibigaragara / Ibyakorwaga n'umuntu/ abantu bari mu ifoto (nturenze amagambo 70)
- Amazina yombi y'umuntu/ abantu bari mu ifoto (aho bishoboka)
- Ahantu ifoto yafatiwe (Umudugudu, akagali, umurenge, akarere n'intara)
- Izina ry'umufatanyabikorwa (urugero: Vision Jeneusse Nouvelle)
- Aderesi z'umuyobozi w'itsinda: Izina ry'itsinda, na numero ya telefone y'umuyobozi w'ayo).



Ni amafoto angahe itsinda ryemerewe kwinjira mu irushanwa?

Buri tsinda ryose riyemeje kwinjira mu irushanwa risabwe kohereza amafoto ari hagati ya 3 na 5 meza yujuje ibisabwa nk'uko byavuzwe hejuru.

- Ohereza ayo mafoto 5 yose atandukanye ni ukuvuga buri imwe ukwayo (amafoto afatanye ntazemerwa)
- Andika neza izina rya buri foto uyishyiraho izina ry'itsinda (Urugero: EJO HEZA, AHAZAZA, gutyo gutyo....)



Ibizagenderwaho mu gutoranya abatsinze:

Amafoto azatoranywa hagendewe ku bwiza ndetse n'ubusobanuro bwayo hifashishijwe imirongo ngenderwaho nk'ubwiza bw'ifoto, kuba ibona neza, uburyo telefone izaba yateguwe ndetse n'ubutumwa bwaherekeje ifoto.



Ni gute uzohereza amafoto yawe?

Irushanwa rya Gahunda y'ibiganirwa by'Akazi Kanoze byifashisha Anmajwi rizatangira **kuwa 15 Werurwe**. Mu gihe umaze gutegura amafoto yawe, yohereze kuri e-mail ya Daniella Kayigamba dkayigamba@akazikanoze.org no kuya Mupenzi Innocent: minnocent@edc.org Niba byanze Ohereza kuri Whatsapp ukoresheje numero +250788381533 **mbere ya Taliki 29 Werurwe, 2021**.

Abatsinze bazabimenyeshwa mu mpera z'ukwezi kwa kane, 2021.



Waba ufite ikibazo?

Niba ufite ikibazo cyerekeranye n'iri rushanwa, egera umukozi w'Umushinga USAID Huguka Dukore Akazi Kanoze mu Karere utuyemo aguhe ubusobanuro ukeneye.